

大清太祖承天廣運聖德神功肇紀立極仁
考睿武弘文定業高皇帝實錄卷之二

此處書監修總裁官職銜

十里。... 百里。... 千里。...

大清太祖承天廣運聖德神功肇紀立極仁

孝睿武弘文定業高皇帝姓愛新覺羅氏諱

先世發祥於長白山。長白山高二

百里。縣亘千里。山之上有潭曰闔門。周八

十里。鴨綠混同愛濶三江出焉。鴨綠江自

山南西流。入遼東之南海。混同江自山北

流。入北海。愛濶江東流。入東海。三江多產

珠寶。其山風勁氣寒。每夏日環山之獸。畢

棲息其中。山之東。有布庫里山。山下有池

曰布尔湖里。相傳有天女三。曰恩古倫。次

正古倫。次佛庫倫。浴於池。浴畢。有神鵲。鄧
朱果。置季女衣。季女愛之。不忍置諸地。含
口中。甫被衣。忽已入腹。遂有身。告二妯曰。
吾身重。不能飛昇。奈何。二妯曰。吾等餌丹
藥。登列僊籍。無他虞也。此天授尔娠。俟免身。
來未晚。言已。別去。佛庫倫尋產一男。生而
能言。俄而成長。毋詳告子。以吞朱果。有身
之故。因命之曰。天生汝。以定亂國。汝往治
之。順流而往。即其地也。與一舟。毋遂凌空。

去。子乘舟。順流下。至河步。躡六登岬。折

枝及蒿為坐具。端坐其上。是時。其地有三

姓爭為雄長。日構兵相仇殺。有取水河步

者。見而異之。歸語衆曰。汝等勿爭。吾取水

河步。見一男子。貌甚異。非常人也。想天不

虛生此人。衆往觀之。皆以為異。因詰所由來。

答曰。我天女佛庫倫所生也。姓愛新覺羅。

名布庫里雍純。天生我以定汝等之亂者。

衆驚曰。此天生聖人也。不可使之徒行。遂

交手為輿。昇至家。三姓者議曰。我等息爭。當推此人為國主。以百里格格妻之。遂定議。妻以百里。奉為貝勒。其亂乃定。於是布庫里雍純。居長白山東。俄漠惠之野。俄朶里城。國號曰滿洲。是為滿洲開基之始也。歷傳。至後世子孫。虐其國人。國人叛。攻圍俄朶里城。盡戕布庫里雍純之族。有幼子名范察者。遁于荒野。國人追之。會有神鵲止其首。追者遙見。意人首無鵲栖之理。疑

為枯木。遂中道而返。范察獲免。隱其身以
終焉。自此後世子孫俱德鵲。誠勿加害云。
其後傳至

皇始祖肇祖原皇帝諱

生有智

畧。計誘先世仇人之後四十餘人。至

蕪克蕪。許河虎攔哈達山下。黑圖阿

喇地。距俄朵里城西。千五百餘里。誅其半

以雪祖仇。執其半。以索舊業。既得。遂

釋之。於是

肇祖居虎欄哈達山下。黑圖阿喇地。生子二。長

崇善。次儲延崇善生子三。長說洛次說以謀。

次錫寶齊篇古。錫寶齊篇古生子可。即

皇曾祖興祖直皇帝諱

興祖生子六。長德世庫。次劉闈。次索長阿。次即

皇祖景祖翼皇帝諱。次包朗阿。次寶實。德世

庫居覺爾察地。劉闈居阿哈河洛地。索長阿

居河洛噶善地。

景祖居祖基黑圖阿喇地。包朗阿居尼麻喇地。

寶實居章甲地。六人各築城。分居稱寧古塔。貝勒。乃六祖也。其五城距黑圖阿喇城。近者五里。遠者二十里云。長祖德世庫生子三。長蕪赫。臣代表。次譚圖。次尼陽古。篇古。二祖劉闡生子三。長陸虎。臣。次馬寧格。次門圖。三祖索長阿生子五。長李泰。次吳泰。次緯奇。阿注古。次龍敦。次飛永敦。

景祖生子五。長禮敦。巴圖魯。次額爾察。次界堪。

次即

皇考顯祖宣皇帝諱

次塔察篇古。五祖包

丙五

朗阿生子二。長對秦。次稜敦。六祖寶實生子

四。長康嘉。次阿哈納。次阿篤齊。次多爾郭齊。

是時有名碩色納者。生子九。俱強悍。又有名

加虎者。生子七。俱輕捷多力。嘗身披鎧甲。連

躍九牛。二族恃其強。侵陵諸路。

景祖素多才智。子禮敦又英勇。率寧古塔諸貝

勒往征之。破碩色納子九人。滅加虎子七人。

盡收五嶺迤東。蘓克蘓許河迤西二百里內

諸部。六貝勒由此強盛。尋有寶實之子阿哈納
兀濟格。欲聘薩克達路長巴斯翰巴圖魯之
妹。往結婚。巴斯翰巴圖魯曰。爾雖寧古塔貝
勒。但家貧。吾妹不妻汝。阿哈納曰。爾不從。吾
不已也。截髮留之而還。後巴斯翰巴圖魯以
妹妻董鄂部主克轍巴顏之子。額爾機瓦爾
喀。額爾機瓦爾喀自妻家薩克達之地。回至
阿布達里嶺。被托漠河部長額吐阿祿部下
九賊截殺之。九賊中。亦有名阿哈納者。賊呼

其名。聞者傳語克轍巴顏。於是克轍巴顏。

丙六

寧古塔阿哈納欲聘之女。吾子娶之。想因此
見殺於寧古塔貝勒也。時哈達萬汗聞之。使
往告克轍巴顏曰。汝子非寧古塔人所殺。乃
額吐阿祿部下九賊殺之。我擒以與爾。復爾
仇。爾歸附我。克轍巴顏曰。吾子被殺。奈何。又欲
降我。此必寧古塔人以額吐阿祿地遠。故為
飾詞。以委謝耳。吾等乃比隣兄弟。若直在寧
古塔人。可令饋哈達金帛。執九賊與我面質。

九賊詞服。果非寧古塔人所殺。則所饋哈達金帛。吾倍償之。時有索長阿家人額克泰聞之。告其主。索長阿密遣人給克轍巴顏曰。尔子乃我部下額尔奔格。與額克青格所殺。我部下人。我當殺之。尔以金帛與我。克轍巴顏曰。哈達萬汗。既稱額吐阿祿。部下九賊所殺。尔又云。尔部人所殺。皆尔寧古塔人欺我也。遂為仇怨。引兵攻掠寧古塔貝勒所屬東南二路。寧古塔貝勒幾不能支。相與謀曰。我等

皆一祖所生。分居十二處。勢渙散。當聚族而
 居。既定議。索長阿子吳泰。又敗其議。曰。一處
 何可居也。將不為孽息畜產地乎。今不必聚居。
 借兵於哈達萬汗便。哈達萬汗。吳泰婦翁也。
 於是借兵攻董鄂部。二次獲其數寨。初未借
 兵之先。寧古塔貝勒與哈達萬汗互為婚媾。
 自借兵後。寧古塔貝勒少示弱焉。

顯祖大福金喜塔喇氏。乃阿古都督女。是為

宣皇后。生子三長。即

上也。稱為聰睿貝勒。

宣皇后孕十三月乃生。歲己未。是為明嘉靖三十八年也。次名舒爾哈齊。號達爾漢巴圖魯。次名雅爾哈齊。繼娶福金納喇氏。乃哈達萬汗所養族女。生子一名巴雅喇。號卓立克圖。庶妃生子一名穆爾哈齊。號青巴圖魯。先是。有識者言滿洲將有聖人出。戡定衆亂。統一諸國。而履帝位。聞者多妄自期許焉。

上生而龍姿鳳目。偉軀大耳。面如玉潤。聲若洪

鐘。儀度威重。舉止非常。英勇蓋世。騎射絕倫。

雄謀大畧。用兵如神。而又至誠御物。剛果能

斷。任賢不貳。去邪不疑。一經耳目。終身不忘。

眾稱為英明主云。○

上十歲時。

宣皇后崩。繼福金納喇氏撫育寡恩。年十九。俾

分居。子產獨薄。後

顯祖知

上有才德。復厚予之。

上辭不受。時諸國紛亂。滿洲國之赫克赫、滿洲、河
部、渾河部、王甲部、董鄂部、哲陳部、長白山之
訥殷部、鴨綠江部、東海之兀哲部、瓦爾喀部、
庫爾喀部、扈倫國之吳喇部、哈達部、葉赫部、
輝發部、群雄蜂起。稱王號。爭為雄長。各主其
地。互相攻戰。甚者兄弟自殘。強凌弱。眾暴寡。
爭奪無已時。

上恩威並行。順者以德服。逆者以兵臨。削平諸
部而統一之。軍威益振。始攻明。取遼東、廣寧。